

զՄուֆտին որդովք եւ ընկերօք ի հեռարնակ
 եւ օտար աշխարհս . եւ զվեզիրս եւ զիշխանս 25
 ետ սպանանել, որք ոչ կամէին գնալ ի վերայ
 Լէհու :

Եւ գրեաց հրովարտակս Օսմանն առ նա-
 խարարս, կուսակալս, կողմնապահս, պէկ-
 լէրպէկիս, իշխանս եւ փաշայքն, առ հազա- 30
 րապետս, հարիւրապետս, գնդապետս, զօ-
 րավարս, զօրատետս, զօրագլուխս . այլ եւ առ
 Մարայ դուլն եւ Շամայ, Արարացոց, Քաղ-
 դէացոց, Քրթաց եւ Ապազաց եւ ամենայն
 կողմանց եւ հեռարնակ այլասեռս եւ ազինս, 35
 որք էին ընդ իշխանութեամբ նորա . զի փոյթ
 ընդ փոյթ եկեալ հասցեն առ նայ : Յետոյ ա-
 ռաքեց զիր եւ ի Մակեդոնիա, Ելլաթայ, Պուլ-
 զարք, ի Սըրֆ եւ ամենայն Ուոռմէլի եւ ի
 Պօսնայու փաշան եւ Սիլիսդրու, զի ժողովեալ 40
 զզօրս ամենայն եկեացեն փութով առ նայ :
 Գրեաց ի Ղրիմ առ խանն, զի եւ նա հասցէ
 բազմութեամբ զօրաց Թաթարաց . այլ եւ Նօ-
 զայու եւ Սըմրղանտու Նօղայ Նետղացն հրա-
 մայեաց դալ ի մարտն : Եւ վաղվաղակի ժո- 45
 ղովեցան յոյժ յոյժ :

Եւ ինքն խօնաքարն աճապարեալ եկն ի
 Ատրանայ . եւ հրամայեաց կամուրջ կապել ի
 վերայ անհուն գետուն Թունայի . զի անտի ան-
 ցանիցեն անթիւ բազմութիւնք զօրացն : Զոր 50
 եւ փութով երկու տեղ կապեցին հնարիւք կա-

31 գնտապետս : — 33 գաղթիացոց : — 37 յետ :
 — 46 յոյժ ոյժ : — 47 յաճապարեալ :